



Dato: 8. december 2016
Kontor: Nordatlantenheden
Sagsbeh: Katarina Hvid Lundh
Sagsnr.: 2016-490-0026
Dok.: 2155197

PINGAARNERSIUNEQ

Kalaallit Nunaanni pinerluttulerinermik inatsisip aamma Kalaallit Nunaanni eqqartuussiveqarneq pillugu inatsisip allannngortinneqarnissaat pillugu inatsisissatut siunnersuutissatut missiliuut (inissiisarfinnut inissinneqartussatut il.il. eqqartuunneqartut.)

1950-ikkuniilli inuit pinerluttulerinermik inatsit malillugu nakkutigineqarnissamut eqqartuunneqartartut nalilerneqartartullu isumannaatsuunissamik aarlerinartuusut, Danmarkimi inissinneqartarput, ilaatigut pissutigalugu Kalaallit Nunaanni inissiisarfiit naammaginartumik katsorsaanissamut neqerooruteqarsinnaanngimmata inunnullu immikkut navialisitsisinnaasunut isumannaatsumik atortulersugaanngimmata.

Kalaallit Nunaanni Eqqartuussisarneq pillugu isumalioqatigiissitat 2004-mi innersuussutigaaat Kalaallit Nunaanni nakkutilliinermut immikkoortortamik immikkut ittumik pilersitsisoqassasoq. Eqqartuunneqartut Danmarkimut inissinneqartarnerisa unitsinnissaanik kissaat aallaaveqarpoq eqqartuussanut isiginninnermik, tassunga atatillugu nunaminni inissiisarfinnut inissinneqartarnissaat eqqarsaatigalugu nunaqarfitik ilaqqutatillu qanillillugit.

Ilaatigut tamanna tunngavigalugu Nuummi inissiisarfissaq nutaaq maanna sananeqarpoq. Inissiisarfissaq 2018-imi inerlugu sananeqartussatut naatsorsuutigineqartoq, ilaatigut nakkutigisassanut inissiiviusinnaasumik matoqqasumik immikkoortortaqaassaluni.

Slotsholmsgade 10
1216 København K.

T +45 7226 8400
F +45 3393 3510

www.justitsministeriet.dk
jm@jm.dk

Tamanna tunngavigalugu Justitsministereqarfik Kalaallit Nunaanni pinerluttulerinermik inatsisip aamma Kalaallit Nunaanni eqqartuussiveqarnermik inatsisip allannguutissaanik missiliutaasumik ilanngullugulu nassiunneqartumik siunnersuusiorpoq.

Inatsisissatut siunnersuut tamatuma kingunerisaanik ilaatigut siunertaqarpoq piginnaatitsinissamik, inuit pinerluttulerinermik inatsit malillugu Danmarkimi nakkutigisassatut eqqartuunneqarsimasut imaluunniit nuutinneqarsimasut, Nuummi inissiisarfittaami inissinneqarsinnaanissaanik. Tassunga atatillugu siunniunneqarpoq nuutitsineq pisinnaasoq aatsaat pineqartup akuersineratigut.

Inatsisissatut siunnersuut siunertaqarportaaq pinerluttulerinermik inatsimmi aalajangersakkap nakkutigisassanngorlugit eqqartuussisarneq nuutitanilluunniit Danmarkimi pinerluuteqarsimasunik nakkutilliivimmuut tarnit nakorsaannit siulersorneqartumut inissiisarnerit unitsinniarlugit. Taamatuttaaq inatsisissatut siunnersuummi Kalaallit Nunaanni eqqartuussiveqarneq pillugu aalajangersakkat, Danmarkimi pinerluuteqarsimasunik isumaginnittoqarfiup ataani tarnip nakorsaanageranik siulersorneqartumi tigummigallakkanik inissiinissamut periarfississutaasut atorunnaarnissaat siunertarineqarpoq.

Inatsisissatut siunnersuut kiisattaq siunertaqarpoq piginnaatitsinissamik nakkutigisassatut eqqartuunneqartunik nuutitaasartut Kalaallit Nunaanni tarnit nakorsaannut immikkoortortami ammasumi inissinneqarsimasut, Nuummi nakkutilliinermik immikkoortortaassamut nuussisinnaalernissaq immikkoortortamilu Kalaallit Nunaanni katsorsaavittut immikkoortortamut ammasumut.